

სამების ტაძარში საკვირაო წირვაზე მღვდელთა შეზღუდული რაოდენობით დაუშვეს



2020 წლის 27 დეკემბერს ყოვლადწმიდა სამების სახელობის საპატრიარქო ტაძარში საკვირაო საღვთო ლიტურგია აღავლინა საქართველოს სამოციქულო მართლმადიდებელი ეკლესიის წმიდა სინოდის წევრმა, სენაკისა და ჩხორონწყის მიტროპოლიტმა შიომ.

წირვაზე მღვდელმთავარს თანამსახურებდნენ მხოლოდ სამი მღვდელი და რამდენიმე დიაკონი, რომელთაც ღვთისმსახურების დაწყების წინ კორონავირუსულ ინფექციაზე ტესტირება ჩაუტარდათ და უარყოფითი პასუხების დადასტურების შემდეგ დაიშვა მათი მონაწილეობა ლიტურგიაში.